

古泉匯第十一冊

利集卷十一
之卷十四



古泉匯利集卷十一

北宋



哲宗錢篆書次背左月三左星食貨志元祐八年詔鑄小銅錢






行書錢次背下斜畫三左豎畫四上星五左星六小是錢篆行
 二品筆法小異者不備摹舊譜謂司馬溫公蘇文忠所書彙考
 有背上陝字者下上字者一字者又有面篆書背天聖元寶者



折二錢篆行二種次微小背左豎畫三四亦有大小本紀元祐
 八年罷二廣鑄折二錢此應八年以前所鑄



亦篆書小平錢背文十口



原件短缺



鐵小平錢折二錢各篆行二體宋食貨志元祐八年令公私給
 納貿易專用鐵錢吉金錄鐵折二錢較大於銅錢自元豐及聖
 宋皆同



鐵小平錢元寶篆行二體通寶一種折二元寶錢亦篆行二體
 續文獻通考紹聖間以鉛山膽泉浸鐵爲之令泉司鼓鑄和銅
 三分錢不耐久彙考又有紹聖重寶大鐵錢






亦哲宗錢小平折二篆行書各二品歷代錢譜元符元年鑄文曰元符通寶其錢有小錢折二篆書真書凡四等



鐵小平錢一篆書二隸書三行書一三右旋讀二上下讀



亦隸書鐵錢背文上



鐵折二錢亦篆行二體本紀元符三年令陝西兼行銅鐵錢陳萊孝曰元符折二亦有鐵錢



徽宗錢小平篆二品行一品當五篆行各一品宋食貨志徽宗
建中靖國中令陝西及江池饒建州以所鑄小平錢增料及鑄
當五大銅錢以聖宋通寶為文今所見者皆元寶



小平錢背文唐國通寶向右甚奇錢質甚薄細審並非兩錢粘
合者其義殊不可解



鐵小平錢篆書曰元寶行書元寶通寶二品




鐵當五錢篆隸行書三體隸書有背上月者宋食貨志鐵錢第
鑄於陝西



徽宗御書小平錢次背菱花孔玉海崇寧元年戶部言江饒池
建四監歲額上供新錢裨史彙編淳化中太宗始以宸翰爲之
崇寧大觀蓋襲故事也





崇甯重寶隸書通寶真書四品以次迭大係折二當三當五錢




當十錢一真書通寶次隸書重寶三背左上星右下月宋食貨

志崇甯三年命民以所有折二錢換納於官改鑄當十錢永樂大典崇甯初行當十大錢幣輕物重令東南改爲當五私鑄不可禁乃一切改爲當三輕重適中然後定是當時行用本無一定故至今流傳大小參差書史會要徽宗書自號瘦金體今徽宗各錢皆瘦金書也



一合背大錢次背文向右又有合背無文者



大鐵錢三品一通寶真書二三重寶隸書通考洪中孚言敵以中國鐵錢為兵器若雜以鉛錫則脆不可用請鑄夾錫當三當

十鐵錢從之陳萊孝曰俱有小平錢





亦徽宗錢小平真書次背右上一畫食貨志大觀元年蔡京主用折十錢若產銅地始聽兼鑄小平錢








當二當三當五三種有背粟文兩重者永樂大典大觀通寶有
小錢折二當三凡三等詔河北鑄夾錫當五錢



當十錢次背上下左右共十九星本紀大觀四年罷改鑄當十
錢則此品皆四年以前蔡京為相時所鑄蔡條國史補魯公秉
政考古人子母相權之說作大錢一當十始亦流通然利所在
多盜鑄大觀三年魯公既罷朝議改為當三則折倍焉




此品濶緣較大於當十常品




當十合背三品一字俱向下二背文向上三兩背無文然確係

大觀之背彙考又有當五合背錢背文向左



此品更大似不止當十史無明文然字亦瘦金體確屬當時御

書者



極大錢亦合背此吳我鷗得於西川以贈燕庭者洵奇品也第
未知當時行用若何



鐵錢似小平當二當三三種次背上階字宋食貨志大觀二年
許鑄使鐵錢本紀大觀四年罷河東河北京東鑄夾錫鐵錢階
字者舊譜無徵當亦地名



亦徽宗錢一篆書二三隸書政字小異四五背星 西清古鑑

按食貨志政和元年詔往歲圖利之臣鑄當十錢公私爲害行

之幾十年其法日弊見在當十錢可作當三張商英請收當十

錢毋用擇其惡者鑄小平錢從之此錢是也



折二錢篆隸小大各二品宋食貨志政和中令江池饒錢監盡
以小平錢改鑄當二以紓用度此應是小錢改鑄者



背上下雙月左右雙柱



鐵錢篆隸二體一如銅錢陳萊孝曰政和鐵錢種類多如銅錢



折二鐵錢篆隸真書三品篆隸曰通寶真曰重寶宋食貨志政和元年錢輕物重細民艱食詔陝西舊行使鐵錢地方依元豐大鐵錢折二公私通行夾錫錢同之



銀政和錢無可考然字與小平隸書銅錢無異自係當時之製



亦徽宗錢一二小平篆隸二體三折二四合背據史徽宗改元重和僅一年故此錢甚少永樂大典重和通寶有小錢折二並

篆書今更有隸書者



亦徽宗錢篆隸二體俱曰元寶宋食貨志稱東南錢額不敷宣和以後尤甚乃令饒穎錢監鑄小平錢



亦小平錢篆隸二體曰通寶



折二錢篆書二品隸書三品俱以次迭大 西清古鑑按食貨

志鑄小平錢後令江池饒監改鑄當二錢此錢即當二也



真書小平背上陝字紀地次篆書背上月



隸書宣和左右無字



小鐵錢篆隸真書三體隸書有背上月者真書者背上陝字與銅錢同宋宗室子洎傳蔡京鑄夾錫錢民病壅滯子洎除陝西轉運副使請鑄小鐵錢以權之範格以進徽宗大悅御書宣和

通寶為錢文既成子洎奏令民以舊銅錢入官易新鐵錢旬日易得百餘萬緡



鐵折二錢篆書應亦有隸書者



欽宗錢篆書者曰元寶真書者曰通寶據宋史靖康中鑄錢曰靖康元寶又鑄靖康通寶均有小錢有折二篆隸真書三體



折二錢篆書一品隸書大小二品又有大錢似當十背上穀字

者劉燕庭疑非宋鑄



小鐵錢真書彙考又有篆書者

附 未見北宋錢

雍熙元寶 太宗

端拱元寶 太宗

靖國元寶 徽宗

建炎通寶

建炎通寶


建炎通寶

建炎通寶

建炎通寶

古泉匯利集卷十二

南宋



宋高宗錢一篆書二三真書三背上川字四五徽大亦篆真書

皆小平錢 西清古鑑靖康二年康王即位於南京改元建炎

本紀元年鑄建炎通寶錢川字當係西川所鑄本紀二年邛州
 鑄錢增印錢引即此又有背文十二左右七星者面文元寶者



篆真書次寶字省筆前三品似當二後二品似當三永樂大典

建炎錢有折二折三高宗本紀建炎元年始通當三錢於淮浙
 荆湖諸路



篆書重寶吉金錄亦以為當三錢



鐵錢宋史邛州惠民監鑄鐵錢建炎二年罷吉金錄有真書者



亦高宗錢元寶通寶二品宋史本紀紹興元年鑄紹興錢食貨志二十二年復嘉之豐遠邛之惠民二監鑄小平錢彙考有楷書元寶者通寶背上月下星者



當二錢篆真二體俱曰元寶背各有上月者上月下星者玉海中興會要紹興元年工部進真篆當二小平錢鐵錢樣詔下鑄錢司此即當二錢






通寶錢三品以次迭六皆真書前二品似當二末似當三宋食
貨志紹興二十三年詔利州鑄折二錢後再鑄折三錢



小鐵錢次背上利字宋食貨志紹興九年詔陝西諸路復行鐵

錢十五年置利州紹興監利字者自係利州所鑄



大鐵錢一元寶二通寶背上利字皆折二錢三元寶篆書似折


三錢利字注見前



孝宗錢篆真二體通考隆興元年詔鑄當二小平錢如紹興之初自乾道迄嘉泰開禧皆如之今未見隆興小平錢



鐵小平折二錢亦真書皆曰元寶又有通寶折二錢




亦孝宗錢篆真二體背俱有月星者篆有背上正字者皆當二小平錢未見本紀乾道元年鑄當二錢食貨志六年併鑄錢司歸發運司尋復置



鐵小平折二錢各篆真一體真書折二背印字注見建炎鐵錢

松字者彙考斷為舒州宿松監鑄又有同字者




古泉匯

利十二

六

亦孝宗錢二及十一背皆紀年數十三月星十四泉字本紀
 淳熙元年罷鐵錢改鑄銅錢永樂大典據宋史淳熙元年鑄錢曰
 淳熙元寶七年後因盜鑄者多遂令諸監逐年於背上鑄年數
 以別之其弊遂止故紀年自柒字起陳萊孝曰錢背紀年始此
 愚按七八作柒捌錢文用增筆寫亦如此玉海中與會要乾道
 三年以左藏庫銅下嚴州神泉監鑄錢泉字者係神泉監所鑄



篆書折二錢次背月星三上利字宋食貨志淳熙十年四川餉
 臣言利州紹興監歲鑄折三錢三萬四千有奇利字者自係利
 州所鑄但此錢與折二同未見當三者



真書折二錢背紀年並月星泉字皆與小平錢同



古泉匯

利十二

八

鐵小平錢背背紀地紀年宋食貨志淳熙十年併舒州之宿城
監入同安監同字者自係同安監鑄利字注見前



鐵當二錢一二三篆書四篆隸書背亦紀地紀年卍字注見建

炎鐵錢利字注見紹興鐵錢春字者乃蘄州蘄春監所鑄





鐵當二真書錢元寶者右旋讀通寶者上下讀及右旋讀二種
背利字利州鑄同字同安監鑄松字宿松監鑄春字蘄春監鑄
紀年自柒至十六皆有之茲第摹所見者不求備也下倣此彙

考背有卍字者上舒下同者上春下玖者下拾者五字者伍字
者考紀年始於柒五字殊不可解



大鐵錢似當三背上仰月二星





亦孝宗錢背文元至五小平與折二錢皆同按孝宗改元紹熙
 凡五年末品亦二字上及左右有三柱



篆書小鐵錢文曰通寶背上同字春字下俱三字





真書小鐵錢俱曰元寶背紀地紀年同前未品漢字按湖廣通

志漢陽鐵錢監在漢陽縣大別山下宋皇甫煥奉命鼓鑄於此

自屬漢陽監錢



亦真書小鐵錢文曰通寶背上同字春字下俱二字



真書折二鐵錢俱曰元寶背同春紀年自元至五全漢下二字



亦鐵折二錢俱曰通寶一篆書餘真書上下讀右旋讀兩種背
文與前略同宋食貨志紹熙二年詔斬春同安兩監歲鑄鐵錢
各十萬貫故背文同春兩字者多



古泉圖
 大鐵錢背上俱仰月雙星下與左右背紀數與紀年者不同劉
 燕庭得此數品於蜀中云是當五錢

古泉匯利集卷十三

南宋





寧宗錢背文自元至六俱全按寧宗改元慶元凡六年彙考有
 背無字者



折二錢背自元至六全當三錢四五六三種食貨志慶元三年復神泉監以銅器鑄當三錢卽此吉金錄尚有背下三字者



此泉形製重大背文繁多為宋錢中僅見者吉金錄據宋史慶元元年鑄當五錢故疑前大錢為當五然別無當三錢今仍以
前品為當三而當五錢未見此錢曰五十料應係當五十者曰
元年改鑄或當時鑄當五未久即改鑄此錢歟為鮑子年所藏



鐵小平錢背同安監者自元至七全斬春監者缺元字漢陽監

者三種面俱右旋讀末品上下讀背亦春三按慶元紀元僅六年此同春七字者費解本紀慶元六年十二月癸卯詔改明年為嘉泰元年考十二月屬癸未朔則癸卯屬二十一日已屆歲杪各監遠隔數千里新春尙未奉詔故仍以爲慶元七年也彙考背文有春元者漢有二三四字者亦有面文上下讀者



鐵折二錢篆書背文不斷





鐵折二真書錢背文同安監者紀年全斬春監者缺元字漢陽
監者缺五字彙考兼有春元漢五兩種



大鐵錢面文元寶背上川字乃西川所鑄注見建炎川字錢劉
燕庭得此諸品於蜀中尤可證其下伍字似紀直或紀年其上
川三川六者似紀地兼紀年其左右及下數目字皆紀範次第



大鐵錢面文通寶背上仰月二星下五一至五六全俱冠以五字應係當五錢一至六似皆紀年也亦劉燕庭在川所得



亦寧宗錢背文自元至四全慶元改嘉泰見前又有背無文者





折二錢背文自元至五全按本紀嘉泰四年十二月己亥詔改
 明年爲開禧元年紀年不應有五字翁宜泉曰亦猶慶元之有
 七字也注見前末品春三獨異按宋銅錢無紀監名者有之自
 此錢始戴醕士有銅嘉定錢背文同三者謂之試範錢蓋鐵範
 初成先以銅汁試鑄者故不常有也



大錢背無文

西清古鑑此錢蓋當三與慶元當三錢同



鐵小平錢背紀同春共三種缺元字彙考俱有之又有面元寶
 背同元者



鐵折二錢俱曰元寶背同春三種利字四種注見紹興小鐵錢
 利元者亦紀年元五者元上者紀年兼紀次第端平錢有上中
 下者與此同六十者亦紀次第也



鐵折二錢背文同春漢共七種本紀嘉泰三年四月出封樁庫
 兩淮交子一百萬命轉運司收民間鐵錢七月權罷同安漢陽
 蕪春三監鑄錢九月命鐵冶司毀私錢改鑄故今見鐵錢紀年

者止於三字



鐵大錢似當三背上川字西川所鑄一至三皆紀年下卅八至四一則紀範數也



亦寧宗錢改元開禧注見嘉泰折二錢董道曰開禧有元寶通寶今銅錢未見元寶者策考又有背無文者



鐵小平錢同春三種折二錢同春漢七種本紀開禧元年復同

安漢陽蕪春三監彙考有同三折二錢




鐵當三錢背利字利州鑄定字定城監鑄宋史紹熙三年五月命漢陽荆門軍行鐵錢六月廢光州定城監或旋廢旋復故仍

鼓鑄川三者四川鑄兼紀年背下數目則紀次第也



亦寧宗鐵錢背上利壹川壹下俱篆書五字朝野雜記嘉定元年四川初行當五大錢利州紹興監錢以聖宋重寶爲文背鑄利一二字又鑄五字云云與此一品恰合一字俱增筆作壹亦似紀數五字則紀直也次三二品亦同時西川所鑄





亦寧宗錢小平折二兩種背文俱自元至十四 西清古鑑按

開禧四年改元嘉定吉金錄嘉定十八年理宗始即位錢應自

元至十七茲缺三種末品背同三係試範錢注見嘉泰折二錢



當十大錢背文折十次左右各七星錢幣考嘉定元寶有背文
 折十者史不載永樂大典嘉定元寶錢其文真書背有折十兩
 字其錢極大與此圖正合



鐵小平錢元寶二品背上紀地下一字蓋紀直也漢字下無字
 者一品紀年者三品紀年上字不晰者一品彙考尙有春八者
 漢三者漢八者





鐵折二錢俱曰元寶一背無文二下月三上下月四上二字南
 宋鐵錢皆紀地此無地名為異五六邛西一邛西二邛州所鑄
 朝野雜記嘉定元年四川初行當五錢邛州惠民監錢以嘉定


重寶為文背鑄西二二字又鑄五字其料並同當三錢按雜記
 所言係當五錢見後此二品無五字似折二或當時本有二種
 歟





鐵折二錢背同字三種本紀嘉定七年復罷同安監鑄錢故同
 字者少春字自元至十二漢字自元至十三面文各有右旋讀
 上下讀二種





鐵當三錢一篆書餘俱真書面文元寶新寶永寶真寶珍寶崇

寶洪寶興寶萬寶正寶安寶全寶之寶共十三種背文三字者

紀直三三者一紀直一紀數按嘉定折三錢舊譜無考然此諸

品大於折二小於當五且當五錢背紀五字此多紀三字故知

為當三無疑星月者做舊式利州者紹興監鑄定字者光州定


城監鑄

古

利十三

七





鐵當五錢面文元寶通寶重寶珍寶興寶全寶之寶至寶共八種重寶篆隸真三體餘皆真書背文當五行五用五直五折五通五正五皆當五之義凡五字皆紀直也西二三定二利壹三等皆紀地兼紀範數惠字者惠民監鑄按宋史紹興三十一年復置邛州惠民監通考嘉定元年卽利州鑄當五大錢三年又於紹興惠民二監歲鑄共三十萬貫其料並同當三錢

元祐與惠見二溫...
 趙鼎...
 蘇軾...
 歐陽文忠...
 錢明...
 理宗...
 大宋...
 寶慶...
 元寶...
 寶慶...
 元寶...

古泉匯利集卷十四

南宋



理宗錢宋史本紀寶慶元年七月詔行大宋元寶錢無鑄寶慶
 錢明文且歐陽文忠歸田錄曰開寶鑄錢曰宋通元寶寶元中
 曰皇宋以文不可重也此就北宋言之然南宋寶慶曰大宋寶
 祐曰皇宋固循舊例也不應有寶慶錢翁宜泉曰是鑄於元年

七月未頒大宋錢式之前者然哉



鐵小平錢一折三錢三惠紀監名注見嘉定錢正三及三字皆紀直也未背無文



亦理宗錢小平折二兩種背元二三俱全宋食貨志寶慶元年新錢以大宋元寶為文彙考二種俱有背無文者背上星者



大錢背文當十宋史不載為呂堯仙所得宋錢之罕見者



鐵錢一二小平背上春下紀年三折二四以下折三背泉字西字及利州皆紀地注並見前三字皆紀直




亦理宗錢背自元至六全 西清古鑑按寶慶四年改元紹定



折二錢背亦自元至六全末背無文



大錢似當三文曰元寶亦舊譜所無




鐵錢小平背春字三種五字二種漢字二種折二二種背不晰

面俱通寶當三一種曰元寶鐵錢背多紀地此五字專紀年當
三背無文俱異彙考小平錢春漢二種均自元至五全又有紹
定萬歲錢



亦理宗錢小平曰元寶背元字紀年折二曰通寶當五曰通寶
 重寶折二篆書餘真書 西清古鑑按紹定七年改元端平錢
 幕韻編有背二字三字者泉史重寶有極大者



鐵當五錢文曰元寶一右旋讀餘上下讀背伍字皆紀直印地名定監名俱見前北東紀監之方位上中下紀範之次第也





亦鐵當五錢文曰通寶背惠字惠民監鑄東西上中下紀方紀次第與前同



鐵當十錢仿大宋當十錢式而差小背文折十穿右利字蓋利州所鑄



亦理宗錢背文自元至四全按端平三年改明年為嘉熙元年
彙考有背無文者又有鐵錢



折二錢背亦自元至四全宋食貨志新鑄當二並小平錢以嘉熙通寶爲文當三錢以嘉熙重寶爲文彙考折二錢亦有背無字者背下一字者又有鐵錢




當三錢注見前泉史又有大錢逾此錢三倍較當十者更過之陳萊孝曰嘉熙重寶亦有大小二種背文年數皆止於四





亦理宗錢背文自元至十二全按理宗改元淳祐凡十二年彙

考又有背無文者





折二錢背亦自元至十二全



六錢背上慶字左右當二十文舊譜未載為劉燕庭所藏燕庭

疑慶字為監名然無可考且銅錢皆不紀監名姑闕疑可也



篆書大錢背文當百吉金錄據陳輿伯云宋自開寶以來各路
置錢監有折二折三折五之殊自蔡京當國專以利惑人主崇
寧大觀當十錢通行論者擬之景王大錢然未聞當百也理宗

朝軍興旁午殆以是承其乏也



真書當百大錢大小二品小者形與當二十者同而所直懸殊
錢法之壞可見泉幣圖說又有淳祐重寶錢




鐵大錢背亦當百與銅錢同字不晰



古泉匯

利十四

亦理宗錢小平當二兩種背文俱自元至六全宋食貨志寶祐



元年新錢以皇宋元寶爲文蓋亦以寶字不可重也



小鐵錢面穿下字不晰背平按北宋亦鑄皇宋錢皆上下讀此右旋讀故定爲南宋物彙考折二錢亦有鐵者



亦理宗錢小平折二兩種 西清古鑑按本紀開慶元年行開

慶通寶錢吉金錄按理宗改開慶僅一年又改景定故背文止元字彙考又有鐵錢背上漢字者



亦理宗錢背文自元至五全續通考景定元年詔鑄新錢以景定元寶爲文



折二錢背文亦自元至五全按景定紀元僅五年六年即傳位度宗也宋自開國以來代有鐵錢止於景定景定元寶小平鐵錢曾見拓本以後不復見鐵錢矣



度宗錢背文自元至八缺四字



折二錢背文自元至八全永樂大典宋史咸淳元年鑄錢文曰咸淳元寶有小錢折二折三凡三等今未見折三者



恭宗錢小平折二二品背皆無文宋史幼主德祐元年鑄德祐元寶按此錢傳世甚少



端宗錢背亦無文泉幣圖說景炎通寶端宗福州鑄宋史不載

此錢更少曾於友人處見之

○臨安府行用

○準參伯文省

○臨安府行用

○準伍伯文省

南宋銅鈔牌面文同背文準三百五百者又有壹百貳百者未見宋史職官志建炎三年詔改杭州爲臨安府此牌金石契謂高宗行軍缺用此權濟一時非常法也故史不書其事愚按史

既失載未必定屬高宗然爲南宋物無疑故附南宋末其形迭加曰準者與一刀平五千平字義同曰省者彙考云通考漢隱帝時舊制錢出入皆以八十爲陌王章爲三司始令人者八十出者七十七謂之省陌粵西金石略宋修桂州城圖記支用錢四萬四百八十貫三百五十三文省關子七百六十六貫文省宋史理宗本紀景定五年詔行關子銅錢法每百作七十七文足王秋澗集中統元寶壹貫文省貳貫文省注文省如七十足陌八十足陌鈔文故作文省參考諸說是省者錢數不足之謂也可與此牌互證

附未見南宋錢

招納信寶

紹興元年劉光世鑄

